



Ideas per lavurar cullas cartinas

cartinas in general

- metter ün pêr cartinas sün maisa o giò per terra, ils uffants serran ils ögls, tour davent üna ed ils uffants ston chattar oura chenüna chi manca (cumanzar cun pacas e metter pro daplü cur cha'ls uffants san bain ils pleds)
- far il gö „eu paket mia valisch“ (mia buscha, mia tas-china eui.) e pigl cun mai: ün mail, ün pair, üna balla eui. ... , metter las cartinas cun ogets/frütta davant ils uffants, cumanzar adüna darcheu da prüma ed adüna darcheu metter pro üna cartina
nível plü pretensius: suogliar las cartinas e savair ourdadoura che chi'd es suotaint – il prüm cun pacas e lura adüna darcheu metter pro üna tillas volver davoman per controllar
- dovrar las cartinas pel lö da mincha singul uffant (gardaroba, sopcha eui.)
- far ün memori (duos purtrets, nivel plü pretensius: ün purtret ed ün pled)
dar a chasa cartinas adattadas insembel cullas chanzuns respectivmaing versins (per genituors, nonas e bazegners)

cartinas alb e nair

- tillas copchar plü grond per dar aint culur, copchar plü grond las personas e dictar da dar aint culur: dar aint culur als mans, dar aint culur als chavels eui.
nível plü pretensius: dir che culur chi'd es da dovrar per che part

cartinas cun parts chi mancan

- tagliar oura adüna las duos cartinas chi toccan insembel e tillas laschar tachadas immez, uschè chi's vezza üna cartina cul disegn cumplet e quella daspera cun alch chi manca
ils uffants ston chattar oura che chi manca
nível plü pretensius: plajar las duos cartinas tachadas insembel uschè ch'ün disegn es dad üna vart e tschel da tschella vart
muossar als uffants la vart da la cartina cul disegn cumplet, tilla volver e muossar il disegn culla part chi manca: che es oter, respectivmaing che manca?

ideas per differents temas

meis ambiaint

- quintar cuortas istorgias cun agüd da cartinas
- dovrar las cartinas per muossar versins, respectivmaing chanzuns

meis corp

- muossar cartina cun part dal corp, dir il pled, ed ils uffants ston tocker plü svelto pussibel vi da sai (o vi dad ün oter uffant) quella part dal corp
- dovrar las cartinas per muossar ils versins, respectivmaing las chanzuns

la marena

- eu paket mia buscha/tas-china e pigl cun mai ...
- eu n'ha jent ... / eu nun ha jent ...
mia mamma / meis bap ha jent ...
mia nona / meis bazegner ha jent ...
meis chan / meis giat ha jent ...
tscherner las cartinas lapro e dir adüna il pled
- eu n'ha tut hoz da marena ..., tscherner la cartina e dir il pled
- dovrar las cartinas per muossar ils versins, respectivmaing las chanzuns

